

և Հրեշտակապետի վանաց յայտ առնեն լինել գործ այնմ դարու . սակայն վանք Փրկչին կորուսեալէ զառաջին հրեշտակին իւր , զորոյ և լիցին բանք մեր յընթացս պատմութեան :

Իսկ թագուհին Հեղինէ յետ կալոյ ժամանակս ինչ յերուսաղէմ և կատարելոյ զսատուածահաճոյ բարեգործութիւնս , և մատուցանելոյ զՋերմեռանդ աղօթս 'ի Տնօրինական տեղիս Բրիտոսի , դարձաւ առ որդին իւր 'ի Նիկովիդեա , 'ի ճանապարհին ցուցեալ անթիւ բարիս յաղքատս և յեկեղեցիս , ուր և մեռաւ իսկ 'ի հասակի 80 ամաց , (327 կամ 328) , խրատելով զորդին կալ մնալ յԱստուածապաշտութեան , եւ խնդրելով յԱստուծոյ զշնորհս վասն նորա :

Այն ինչ յանդ ելանէր շինութիւն Եկեղեցեացն Ս . Տեղեաց , Մակար⁽¹⁾ Հայրապետ Երուսաղէմի վախճանեալ թաղեցաւ անդ 'ի Սիօն , որոյ գերեզմանն ցարդ այնպտ մնաց , որպէս այլ Հայրապետաց և կալաւ զԱթոռն Մաքսիմոս :

Դարձաւ Արիոս յաքսորանաց՝ խաբեալ զԿայսրն չորդմարար բանիւք եւ երկդիմի դաւանութեամբ : Եւսեբիոս Նիկովիդացի 'ի պատճառս տեսանելոյ զշինութիւն Տաճարին Ս . Յարութեան՝ եկն յԱնտիոք (330) . և ժողովով եպիսկոպոսաց կողման իւրոյ արկ զԵւստաթէոս եպիսկոպոս յԱթոռոյ , և ընդ նմա նգովեալ դատապարտեցան յաքսորս բազում երիցունք , սարկաւագունք և եպիսկոպոսունք : Դատապարտեցաւ և Աթանաս 'ի ժողովին Տիւրոսի , զոր գումարեաց Եւսեբիոս Նիկովիդացի . ընկեցաւ յԱթոռոյն եւ արգելաւ նմա դառնալ յԱղէքսանդրիա . իսկ Աթանաս

(1) Սյն առ Մակար 'ի խնդրոյ Ս . Վրթանիսի Հայոց Հայրապետի առաքեաց թղթով 8 կանոնական բանս սակս բարեկարգութեան Եկեղեցւոյն Հայոց : Օրինակ թղթոյն և կանոնական բանից աւանդի 'ի գիրս Յովհաննու իմաստասիրի , որպէս յառաջ բերէ Հ . Մ . Չամչան : Սակայն Մակար վախճանի յամի 555 . իսկ Ս . Վրթանէս կալաւ զԱթոռն յամի 559 . կամ 542 . յորմէ երեւի թէ Մակար ժամանակակից է Արիոսականի և ոչ Վրթանիսի , և երկրքեան գտան 'ի Ժողովն Նիկիոյ , ուստի կամ Մակար առաքեաց զայն առ Արիոսական , և կամ յաջորդն Մակարոյ առ Վրթանէս . թէպէտ չունիմք հակառակիլ աւանդութեանց նախնեաց մերոյ : Պարս . Հոգ . Ա . 422 :